

HMOOB / HMONG - Jim Bogan

Nyob zoo ib tsoom hauv UW Madison,

Kuv sau tsab ntawv no qhia txog kuv tus kheej tam li ib tug tso npe rau txoj haujlwm *Assistant Vice Chancellor* hauv *Physical Plant*. Kuv npe yog Jim Bogan thiab kuv ib txwm nyob hauv Wisconsin, loj hlob nyob hauv Brookfield, ze Milwaukee sab hnuv poob. Kuv kawm tas kuv daim *Bachelor of Science degree* hauv UW Madison ces siv thawj xyoo mus ua haujlwm hauv thaj chaw nroog Milwaukee.

Qhov *State of Wisconsin Department of Administration Central Fleet* muaj cov tsheb thiab kev pab tswj cov tsheb rau tshaj 50 lub chaw ua num hauv xeev siv. Kuv pib kuv txoj haujlwm rau hauv xeev nyob hauv Madison thaum 1998, uas ua tus thawjsaib thiab xyuas kev khiav ua haujlwm. Qhov haujlwm no yog thawj zaug kuv ua haujlwm rau ib qho chaw loj, los siv computer nyuaj. Yuav tib qho kev tswj ntaub ntawv tag nrho rau cov chaw ua haujlwm; *Central Fleet* uas yog qhov kuv ua haujlwm nrog cov tsheb cov ceg ua num *Natural Resources, Transportation, Corrections*, thiab cov tsev kawm ntawv qib siab *UW System* siv. Kuv yog tus thooob plaws cov chaw ua num hauv xeev hu tau nrog tham thiab ua haujlwm nrog cov coj hauv txhua qhov siv cov tsheb. Qhov haujlwm ntawd pab kuv los ua haujlwm tau rau hauv UW Madison. Kuv los ua haujlwm rau *Physical Plant* thaum 2003, pab muab qhov kev tswj tuav cov tsheb hauv nov. Kuv zoo siab heev uas kuv tau los ua hauv yog ib qhov ua rau kuv nce tau rau txoj haujlwm zoo nyob hauv lub tsev kawm ntawv kuv kawm tas nyob rau.

Kev tswj ib co tsheb uas muaj pua pua lub tsheb, muaj txhiab txhiab daim ntawv ua, xws li sam roj los kho los saib cov lej mais (*mile*) khiav tas ntau npaum cas tas li. Lub tswv yim no zoo tib yam li cov kev tswj cov vaj tse uas cov khoom nyob hauv cov tsev thiab tej kev siv yuav tau txais kev pab tas li tib yam li cov tsheb. Kuv yog ib tug laj mej tseem ceeb hauv pawg muaj lub npe hu ua *Management By Information (MBI)* sawv cev ntawm kev yuav ub no, ua cov ntaub ntawv tswj nyiaj, pab tib neeg, txhawb kev siv computer, *Physical Plant* tej kev pab thiab *Physical Plant* tej kev khiav haujlwm thiab tu vaj tse.

Pawg *MBI* muaj sib tham tas li thiab sib cam txog tej tswv yim kev ua raws siv, xyuas tej ntaub ntawv, tsim *software*, thiab sib koom pab kom ua cuag ib lub homphiaj. Pawg no ua rau kuv zoo siab muaj siab ua num nrog ib pawg ua tau haujlwm zoo; uas nws yog ib txoj kev zoo rau ua haujlwm. Sib koom li ntawd yog ib qho qhia tau zoo txog kev kuv siv tswj kev ua haujlwm.

Thaum 2014 yuav tas, tau tshem pawg *UW Madison Fleet* tawm hauv *Physical Plant* mus rau hauv ceg *Transportation Services*. Vim kuv paub cov kev ua haujlwm nrog pawg *MBI*, kuv thiaj nrhiav kom muaj cov neeg paub txog kev nres tsheb thiab mus los tsim kom muaj qhov zoo li ntawd. Kuv kawm tau txog kev txav, npaj rau kev mus los, tswj nres tsheb, thiab tiag, kev tswj cov chaw nres tsheb. Kuv nce mus ua tus *Associate Director* hauv *Transportation* li tsib lub xyoos tom qab kuv ua num rau ceg ua haujlwm.

Thaum caij ntuj tshiab 2019, kuv muaj caij los siv cov kuv kawm tau ntawm pawg *MBI* thaum kuv rov qab los ua haujlwm rau *Physical Plant* uas yog tus *Director for Facilities Management*. Nov yog thaum muab qhov *AssetWorks* los siv. Qhov kev pauv loj no yuav tsum muaj ntau pab neeg los xyuas thiab kho kom tag nrho cov kev ua raws khiav tau haujlwm rau txhua pawg neeg thaum lawv siv. Peb tsis hu tias peb yog pawg *MBI* lawm, tabsis cov haujlwm peb ua zoo tib yam thiab qhov peb hloov tau zoo tib yam. Kuv zoo siab heev tau ua haujlwm nrog cov nyob ib puang ncig kuv thiab zoo siab rau qhov chaw ua haujlwm tias peb kho zoo ntxiv ntau npaum li cas txij thaum ntawd los.

Txij thaum tau kom kuv los ua tus *interim Executive Director* hauv *Physical Plant* tau tshaj ib xyoos ntau los no, kuv tau siv cov kev phooj ywg muaj los tshaj 20 xyoo, cov 20 xyoo tswj tuav kev siv nyiaj thiab tswj nyiaj siv, thiab qhov kuv hwm pawg ua tau haujlwm zoo los nrhiav kev kom yog ib qho chaw ua num ua tau ub no zoo. Kuv xav tuav qhov kev ntshaw thiab muaj qhov no mus ntxiv nrog nej.